

Pismo glavnog izvršnog direktora

Poštovani članu tima:

Coca-Cola HBC se oslanja na **povjerenje** naših kupaca i potrošača, kao i zajednica u kojim djelujemo. Svi mi imamo obavezu da to povjerenje zaradimo svakog dana.

Naša kultura na radnom mjestu i naš uspjeh na tržištu uvijek su se zasnivali na našim **vrijednostima**: pobjeđujemo s našim kupcima, briga za naše ljudе, izvrsnost, integritet, učenje i radimo kao jedan.

Na radnom mjestu se jedni prema drugima odnosimo s poštovanjem i cijenimo doprinos svih pojedinačnih članica i članova tima. Znamo da možemo biti uspješni samo ako stvaramo **inkluzivno, pošteno i pozitivno radno okruženje**.

Na tržištu se takmičimo energično, ali uvijek uz **poštivanje zakona i etičkih normi**. Ispunjavamo data **obećanja i činimo ono što je ispravno, a ne idemo linijom manjeg otpora**. Iznad svega, uvijek djelujemo s integritetom prema zajednicama u kojima živimo i radimo.

Naš Odbor direktora odobrio je ovaj Kodeks i on je usvojen uz punu podršku našeg Upravnog odbora. Od svih zaposlenika se očekuje da se pridržavaju Kodeksa u sklopu obavljanja poslovnih obaveza.

Novu verziju Kodeksa smo usvojili kako bismo: reagirali na nedavne promjene u određenim oblastima, kao što su zaštita privatnosti i ličnih podataka; dali pojašnjenja o pitanjima koja se najčešće postavljaju, npr. ona o sukobu interesa; te komunicirali s vama putem jednostavnog i direktnog dokumenta koji sadrži praktične smjernice o pojedinačnim obavezama.

Najvažniji lični, praktični savjet koji vam želim ponuditi glasi: uvijek recite svoje mišljenje. Promovirajte naše vrijednosti. Ako imate nedoumica o pravilima iz ovog Kodeksa, postavite pitanja. Ako ste uočili moguća kršenja Kodeksa, prijavite ih. To se može učiniti anonimno ako tako odlučite.

Naša težnja je da budemo jedna od svjetskih kompanija koje uživaju najviše povjerenje i poštovanje. Pozivam svakog od vas da mi se pridruži i lično doprinese oživljavanju naših vrijednosti te da poštuje ovaj Kodeks u svemu što radi. Time će se pozitivno uticati ne samo na uspjeh kompanije Coca-Cola HBC, već i svima nama omogućiti da svakog dana dijelimo osjećaj istinskog ponosa u radu za kompaniju Coca-Cola HBC.



S poštovanjem,
Zoran Bogdanović
glavni izvršni direktor,